

आकाशवाणी**खबरां**

- प्रधानमंत्री नरेन्द्र मोदी होरें आक्खेया ऐ “मेक इन इंडिया” राए भारत “मेक फॉर वलर्ड आहली बक्खी अगड़े बधै करदा ऐ।
- गृहमंत्री अमित शाह होरें आक्खेया ऐ जे बन्ने कन्नै लग्गदे गाएं च आबादी दा तवाज़न बदलना देसै दी सुरक्षा पर असर पांदा ऐ।
- जम्मू-कश्मीर ते पंजाब सनें उत्तर-भारत दे केई इलाकें च बरखा ते हाड़ै करी हालात चिंता आहले बने देन, आम जन-जीवन बुरी चाली प्रभावत, स्कूल, कालेज ते सार्वजनिक संस्थान, एहतियात दे तौर पर बंद।
- मुल्ख भरै च अज्जै थवां शुरु होआ रदी “गणेश महोत्सव” दी धूम राष्ट्रपति द्रौपदी मुरमू ते प्रधानमंत्री नरेन्द्र मोदी होरें इस मौके लोकें गी शुभकामनां दितियां न।
- कजाख्तान च आयोजित एशियन नशानेबाजी चैम्पियनशिप च भारत दी सिफ्त कौर सामरा नै सुन्ने दा तगमा हासल कीता ऐ।

<><><><><>

PM-Gujrat

प्रधानमंत्री नरेन्द्र मोदी होरें आखेआ ऐ जे भारत दे मेक इन इंडिया सफर च इक नमा अध्याय शामिल होआ'रदा ऐ जेदे कन्नै मेक इन इंडिया यानि भारत च बनाओ ते मेक फान द वलर्ड दुनिया आस्तै निर्माण करने दे देश दे धेइयै च इक महत्वपूर्ण विकास होआ ऐ। गुजरात दे टीडीएस लिथियम इओन बैटरी प्लांट च हाइब्रिड बैटरी इलेक्ट्रोड्स दे उतदन दा शुभारम्भ करने मगरा कट्ट गी संबोधित करदे होई प्रधानमंत्री होरें आखेआ जे इसी करी भारत-जपान बश्कार दोस्ताना रिश्ते गी नमा रूप मिलोग। मोदी होरें आखेआ जे भारत दे कोल प्रजातंत्र दी ताकत, जसांख्यिकी दा फायदा ते हुनरमंद कम्म करने लायक लोकें दी मजबूती ऐ। उनें जोड़ेआ जे मारुति सुजुकी जनेइयां कंपनियां मेक इन इंडिया दे ब्रैंड एम्बेसडर बनी चुकी दियां न। प्रधानमंत्री होरें भारत-जपान दी बददी सांझेदारी पर लो पांदे होई आखेआ जे 2047 तोड़ी आत्मनिर्भर भारत बनने दे धेइये गी पूरा करने दे सफर च जपान दी भूमिका मुख् सांझेदार दी ऐ।

<><><><><>

Shah –Vibrant Village

केन्द्री गृहमंत्री अमित शाह होरें आक्खेया ऐ जे बन्ने कन्नै लग्गदे इलाकें दी आबादी च बदलाव- देश ते ओहदियें सीमाएं दी सुरक्षा पर सिद्धा-सिद्धा असर पांदा ऐ। कल नमीं दिल्ली च दंऊ दिने दे “वाइब्रेंट विलेज” कार्यक्रम कार्यशाला दे उदघाटन सत्र गी सम्बोधित करदे होई- गृहमंत्री होरें आक्खेया जे मोदी सरकारै बन्ने कन्नै लग्गदे इलाकें दे गाएं थमां लोकें दे पलायन यानी गां छोड़ियै होरनें थाहरें उठी जाने दे चलन गी पूरी चाली रोकने लेई- एह कार्यक्रम शुरु कीता गया ऐ। गृहमंत्री होरें आक्खेया जे “वाइब्रेंट विलेज” कार्यक्रम, बन्ने कन्नै लग्गदे गाएं च बुनियादी ढांचे गी बढ़ावा देइयै- संस्कृति ते सैलसफा दे संरक्षण ते संवर्धन सवां रोजगार गी बी बढ़ावा देआ करदा ऐ। उनें आक्खेया जे अरुणाचल प्रदेश च इस कार्यक्रम दे लागू होने दे बाद केई सीमावर्ती गाएं दी जनसंख्या च बाद्दा दर्ज कीता गया ऐ।

<><><><><>

India –Kuwait FOC

भारत ते कुबैत दे विदेशी दफ्तरै सलाह सूत्र दी 7मीं बैठक दा सरिस्ता कीता ऐ। नमीं दिल्ली च लग्गी दी इक बैठका च दौनें धड़े दबक्खी सरबंघें दी समीक्षा कीती ते बक्ख-बक्ख क्षेत्रें च रणनीतिक सांझ-भ्याली गी होर निगगर करने दे उपाएं पर चर्चा बी कीती। विदेश मंत्रालय नै खाड़ी मामले दे अप्पर सचिव असीम महाजन ते कुबैत दे सहायक विदेशमंत्री समीह एसा जौहर हयात होरें कल परामर्श बैठक दी अध्यक्षता कीती। विदेश मंत्रालय नै आक्खेया ऐ जे दिसम्बर 2024 च प्रधानमंत्री नरेन्द्र मोदी हुंदी कुबैत यात्रा दे दौरान दौने देशें दे नेतृत्व दे मार्ग-दर्शन च आपसी सरबंघें गी अगड़े बधाने दे उद्देश्य कन्नै जेहड़ी रुप रेखा तयार कीती गई ही-उसी लागू करने लेई दवै धड़े मिलियै निरंतर कम्म करदे रौहने पर सैहमत होए न।

<><><><><><>

IMD –Weather

भारतीय मौसम विभाग नै कल तक्कर छत्तीसगढ़- मध्य-प्रदेश ते ओड़िशा च बक्ख-बक्ख थाहरें पर भारी थमां मती भारी बरखा दी पेशगोई कीती ऐ। मौसम विभाग नै अगले 7एं ध्याड़े दौरान उप-हिमालयन-पच्छिम बंगाल- पूर्वी राजस्थान- गुजरात- हरियाणा- पंजाब- चंडीगढ़- उत्तराखंड- हिमाचल प्रदेश- जम्मू-कश्मीर सनें उत्तर ते उत्तर पूर्वी भारत च मती बरखा होने दी मेद जाहिर कीती ऐ। तटीय आंध्र प्रदेश- कर्नाटक- केरल- माहे- कोंकण- गोवा- तमिनाडू- पुडुचेरी- कराई-कल ते तेलंगाना सने देसा दे दक्खनी हिस्सें च बी कल तक्कर इस चाली दे मौसमी हालात बनी जाग। अगले दौऊ-त्रंऊ दिने दौरान पच्छिम बंगाल- सिक्किम- विधारभा- मध्य प्रदेश ते झारखंड च एह मौसमी हालात जारी रौहगन। दिल्ली NCR च दंऊ-त्रंऊ दिनें दौरान मती हलकी ते हलकी बखा होने दी संभावना ऐ।

<><><><><><>

Weather -Traffic

मौसम विभाग नै जम्मू-कश्मीर दी केई सारी थाहरें पर बरखा ते गरज चमक दी पेशगोई कीती ऐ। लगातार होआ रदी बखा करी पैहले सोया गै लोकें गी केई परेशानियें झलनियां पवा रदियां। जम्मू-श्रीनगर राष्ट्रीय जरनैली सिडक पर लास-पस्सियां ते कुप्पड़ पौने दियां घटना पेश आइयां न। इस करी एह सिडक कल्लै थवां बंद ऐ। लोकें गी सलाह दिती गई ऐ जे ओह राष्ट्रीय जरनैली सिडक दी स्थिति च सुधार मगरा गै यात्रा करन।

<><><><><><>

J&K -Rainfall

जम्मू-कश्मीर च रियासी जिले च वैष्णो देवी तीर्थ बत्ता पर भारी लास-पस्सी पौने दे मगरा मारे गेदे लोकें दी गिनतरी 30 होई गई ऐ- जेड़ा पिच्छले 24 घंटे च भारी बरखा दे कारण होआ ऐ। एह त्रासदी इंदरप्रस्थ (अद्दकुवारी) दे कोल होई जेदे चलदे केई तीर्थ यात्री मलबे दे हेठ दबोई गो। वैष्णो देवी यात्रा गी मुअत्तल करी दिता गया ऐ- जेदे चलदे परम्परागत ते हिमकोटी दौने रस्ते हून बंद न। उआं तवी-चिनाब- नीरु ते कलनाई जनेही नदियें च पानी दे स्तर च बाढ़ा होने करी समूलचे जम्मू संभाग च हाड़ ते भारी नुक्सान दिक्खने गी थोआ ऐ। डोडा जिले च बी चंऊ मौते दी खबर ऐ।

<><><><><><>

JK Govt. Order

खिते च भारी बरखें ते हाड़ जनेह हालात दे मद्देनजर प्रशासन नै अत्त लाजमी सेवाएं आलें सब्भनें मैहकमें गी हाई अलर्ट पर रक्खे दा ऐ ते आपात स्थिति लेई हैल्पलाईन नम्बर बी जारी कीते न। जम्मू लेई हैल्प लाईन नम्बर 0191-2571616 ते 0191-2520542, साम्बा लेई 0192-3241004, कठुआ लेई 0192-2238796, डोडा लेई 95967-76203 ते किश्तवाड़ लेई 94842-17492 नम्बर जारी कीता गया ऐ। लोकें गी आक्खेया गया ऐ जे ओ एहके एम्प्रजेंसी नम्बरें दे राएं जां फही अधिकारिक सोशल मीडिया प्लेटफार्मे दे राएं बी प्रशासन कन्नै राबता करी सकदे न। तोंआई जम्मू कश्मीर सर्विस सलैक्शन बोर्ड नै मौसम दे खराब सूरतेहाल करी औंदी 31 अगस्त गी लैता जाना तय होए दा जुनियर

इंजीनियर सिविल दी असामियें लेई OMR आधारित मतेहान फिलहाल अगड़ा पाई दिता ऐ ते एब्बी आक्खेया जे मतेहान लेई नमीं तरीक दा ऐलान बक्खरे तौर पर कीता जाग। खराब मौसम करी कांस्टेबल दे ओहदे लेई मंगलवारे करोआई जाने आली भर्थी प्रक्रिया गी बी मुअतल करी दिता गया ऐ। तोंआई जम्मू कश्मीर स्कूली शिक्षा बोर्ड नै अज्ज लैते जाने आले 10मी ते 11मी दे मतेहानें गी स्थगित करी दिता ऐ।

<><><><><><>

Ganesh Chaturthi

10 एं दिनें तोड़ी चलने आहला “गणेश चतुर्थी” दा त्योहार अज्जै थमां शुरु होई गया ऐ। भगवान गणेश जिनेंगी विघ्न विनाशक ते शुभ लाभ देने आहला आक्खेया जन्दा ऐ- उनेंगी समर्पत एह पर्व अनंत चतुर्थी आहले रोज सम्पन्न होई जाग। उआं ते एह ध्याड़ा समूलचे मुल्ले च ते बाहरले किश मुल्ले च बी भारतीय मूल दे लोक मनांदे न- पर महाराष्ट्र च इक महत्वपूर्ण ते लोकप्रिय ध्यार दे रुप च इस ध्येयार गी बडे जोश- जज्वे- उत्साह ते अकीदत कन्नै मनाया जन्दा ऐ- जित्थै हर मुहल्ले- हर शैहरा- नुक्कड़ च गणेश दी दियें बड्डी-बड्डी मूर्तियें दी स्थापना करियै उप्परोतली 10 दिने तगर पूजा-अर्चना हुंदी ऐ त एहदे सम्पन्न होने पर इनें मूर्तियें दा विसर्जन कीता जन्दा ऐ। ज्यादातर थाहरें अज्ज मूर्ति स्थापना दे कार्यक्रम आयोजित कीते जा रदे ना।

<><><><><><>

Greeting Ganesh Chaturthi

राष्ट्रपति द्रौपदी मुर्मू ते प्रधानमंत्री नरेन्द्र मोदी होरें “गणेश चतुर्थी” दे मौके पर सब्भनें गी शुभकामनां दिंदे होई सारें दी सलामती- तरक्की ते खुशहाली दी कामना कीती ऐ। अपने सनेह च राष्ट्रपति होरें आक्खेया जे लोक नमीं शुरुआत ते दुखे- कष्टे ते रुकावटें दे निवारण लेई भगवान गणेश जी दा आर्शिवाद हासल करदे ना। उनें आक्खेया जे एह ध्येयार लोकें गी नमें लक्ष्यें ते साकारात्मक भावना कन्नै अगड़े बधने लेई प्रेरित करदा ऐ। प्रधानमंत्री नरेन्द्र मोदी होरें इस मौके पर अपने सनेह च कामना कीती ऐ जे एह पवित्तर अवसर सब्भनें दे जीवन गी श्रद्धा ते आस्था कन्नै भरी देग ते शुभ संदेश लेइयै औग। उनें प्रार्थना कीती जे भगवान गणेश अपने श्रद्धालुएं पर खुशी- शांति ते नरोई सेहत दी कृपा बनाई रक्खन।

<><><><><><>

India Saagri Joint Meeting

भारत ते दक्खन अफ्रीका नै कल राई-बाई कन्नै जुड़े दे सांझे कार्यदल दी 5मीं बैठक वर्चुअल ढंगा नै कीती। दौने धड़े इस बैठक दे महत्वै पर जोर भरेया ते आक्खेया जे एह बैठक खेतीबाड़ी ते एहदे कन्नै जुड़े दे क्षेत्रें च दबक्खियां सहयोग गी होर तगड़ा करने च इक मुख् मील दा पत्थर ऐ। चर्चा दे मुख् क्षेत्रें च ज्ञान सांझे करने- सांझे शोध पैहल- समर्थ निर्माण ते बाजार तगर पुज्ज दे मुद्दे शामिल हे। इस दौरान दौने धड़ें भारतीय कृषि अनुसंधान परिषद बश्कार सहयोग गी हुंहगा करने दे मौके दी बी तपाश कीती। इस बैठक दी सह-अध्यक्षता- कृषि ते करसान कल्याण मैहकमे दे संयुक्त सचिव अजीत कुमार साहू ते थपसाना Molepo होरें कीती- जेड़े दक्खन अफ्रीका दे अंतराष्ट्रीय बपार गी बढ़ावा देने दे कार्यवाहक निदेशक ना।

<><><><><><>

Shooting

भारतीय ओलम्पिक सिफत कोर सामरा नै अज्ज Kazakhstan च 16मीं Asian Shooting चैम्पियनशिप च महिलायें दी 50 मीटर रफल-त्रै Positions event च व्यक्तिगत तौरा पर सुन्ने दा मैडल जितेया ऐ।

<><><><><><>